



ՊԱՏՎՈԳՐԵՐԻ ՀԱՆՁՆՈՒՄ «ԷԶՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅԱՆԸ

Հունիսի 28-ին, երկուշաբթի օրը, կեսօրից հետո, ժամը 13-ին, Վեհաբանում, հանդիսավոր իրադրության մեջ, «Էջմիածին» ամսագրի հրատարակության 25-ամյակի առիթով Սովետական Միության Խաղաղության պաշտպանության Կենտրոնական կոմիտեի պատվոգրեր հանձնվեցին խմբագիր Արթուն Հատիտյանին և խմբագրությանը՝ խաղաղասիրական և հայրենասիրական երկարամյա գործունեության համար:

Հանդիսությունը նախագահում էր լուսարարապետ տ. Հայկազուն արքեպ. Արքահայրանը: Ներկա էին՝ Տիրամայրը, Մայր Աթոռի միաբանությունը, վանքի պաշտոնությունները:

Պատվոգրերի տվչությունը ներկա էին նաև Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաքյանը և տեղակալ Ս. Հովհաննիսյանը:

Խաղաղության պաշտպանության հանրապետական կոմիտեի քարտուղար տիկին Հեղուշ Խաչատրյանը ընթերցում է Խաղաղության պաշտպանության սովետական կոմիտեի պատվոգրերը և ապա, ջերմորեն շնորհավորելով խմբագրին և խմբագրությանը բարձր պարգևի առիթով, ընդհանուր խանդավառության և ծափերի մեջ խմբագիր Ա. Հատիտյանին է հանձնում երկու պատվոգրերը:

Ծնորհավորության ջերմ խոսքեր են ասում, հանուն Վեհափառ Հայրապետի՝ տ. Հայկազուն արքեպիսկոպոսը, հանուն հոգեվոր նեմարանի՝ տեսուչ տ. Ներսես Ծ. վրդ.

Պողապալյանը, և հանուն Մայր Աթոռի պաշտոնության՝ դիվանապետ Հ. Առաքելյանը:

Բարձր պարգևի առիթով «Էջմիածին» ամսագրի խմբագրին և խմբագրությանը շնորհավորում է Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաքյանը:

Հանդիսություն ավարտին սրտագին շնորհակալության և երախտագիտության խոսք է ասում խմբագիր Ա. Հատիտյանը՝ Խաղաղության պաշտպանության սովետական կոմիտեին և Հայաստանի կոմիտեին ուղղյալ, և շեշտում, որ «Էջմիածին» ամսագիրը այսուհետև էլ խաղաղության ջերմ պաշտպան Վեհափառ Հայրապետի գլխավորության և օրհնության ներքո կշարունակի նաև իր խաղաղասիրական, մարդասիրական գործունեությունը, որը բնական հետևանքն է հայ եկեղեցու քրիստոնեական համոզմունքների, քրիստոսավանդ պատգամի, Մայր Աթոռ ս. Էջմիածնի հայրենասիրական գործունեության ու մարդասիրական վեհ իդեալների:

Խաղաղությունը Աստուծո կամքն է:

Հանդիսության ավարտին տեղի է ունենում մտերմական շրջանակի մեջ հյուրասիրություն:

Ներկաներից շատերը ջերմորեն շնորհավորում են «Էջմիածին» ամսագրի խմբագրին և խմբագրությանը բարձր պարգևի առիթով և հաջողություն մաղթում նրանց՝ հետագա է՛լ ավելի բեղուն խաղաղասիրական և մարդասիրական գործունեության մեջ:

ПОЧЕТНАЯ ГРАМОТА

Мурман. Эммануил
Орган Кабинета Великого

награждается
Почетной Грамотой
Советского Комитета
Защиты Мира

за активную деятельность
по укреплению мира
между народами



1949

1969



Орг. при Советском
Министре
Внешних дел
Москва

Министр

Министр

№ 1115

Москва 30 мая

1969